



## Jiwa Merdeka

Jiwa merdeka  
Rela berkorban harta  
Memerah fikiran dan keringat demi negara  
Tidak gentar seandainya nyawa terkorban asalkan maruah terbelah

Jiwa merdeka  
Tidak mudah kecewa dan putus asa  
Bila tidak memiliki habuan dunia  
Kerna dunia bertapak di tangan sahaja  
Tidak beraja di hati mahu pun di mata

Jiwa merdeka  
Kekuatan terbina atas kebenaran akidah  
Bukan sekadar kekuatan fizikal dan teknologi perang yang memuntahkan darah  
Memerintah bukan untuk menjajah  
Namun, untuk membina keamanan dan keadilan tanpa mengenal bangsa dan akidah

Jiwa merdeka  
Masihkah mengalir dalam denyut nadi kita  
Dalam arena perjuangan yang mungkin berbeza  
Politik, ekonomi, pendidikan, keselamatan, kehakiman dan Institusi Diraja  
Atau semuanya tinggal kenangan sahaja  
Hanyut dek seloka dunia  
Bertopengkan slogan kebebasan, penjajahan minda dan budaya  
Hanya bakal mengundang bencana

Jiwa merdeka  
Bangkitlah kembali membina bangsa  
Sedarlah dimana kunci kekuatan kita  
Bangkitlah jangan terleka  
Kerana musuhmu tidak pernah lupa  
Mengintaimu dari mana sahaja

Jiwa merdeka  
Selamilah semangat perjuangan datuk nenek moyang kita  
Timbalah ilmu agar kental iman di dada  
Menyuluh pemikiran agar lahir kepimpinan bijaksana  
Pertimbangan akal rasional berpandukan hidayah dari Pencipta

Nukilan:  
Rohana Hamzah  
Pusat Sains Kemanusiaan (PSK), Universiti Malaysia Pahang (UMP)  
12 Ogos 2022



KEJURUTERAAN · TEKNOLOGI · KREATIVITI



TEKNOLOGI  
SINTAKS  
MASYARAKAT

5 STARS  
QS RATES FOR EXCELLENCE

QS WORLD UNIVERSITY  
RANKINGS

QS WORLD UNIVERSITY  
RANKINGS: ASIA

[Creative Work](#)

## Jiwa Merdeka

22 August 2022

---

- 178 views

[View PDF](#)